30. Piece



EPISTRE

DE SAINT

FRANÇOIS DE SALES,

DANS LA QVELLE IL MONTRE comme l'Autorité du Pape & des Roys s'accordent.

C'est la Quarante-neusième du Septième Livre:



E veux bien, ma tres-chere Fille, répondre à la demande que vous me faites sur la fin de vostre Lettre : mais ayez agréable, que je vous parle comme le grand saint Gregoire sit à une vertueuse Dame, nommée comme luy, Gregoire,

& laquelle estoit Dame de Chambre de l'Imperatrice. Elle l'avoit prié d'obtenir de Dieu la connoissance de ce qu'elle devoit devenir, & il luy dit: Quant à ce que vostre douceur me demande, & qu'elle dit ne vouloir point cesser de m'importuner, jusques à tant que je le luy aye ostroyé: vous requerez de moy une chose également difficile & inutile. Ie vous en dis de mesme, ma chere Fille, quant à ce que vous me demandez, quelle autorité le Pape a sur le temporel des Royaumes & Principautez. Vous desirez de moy une resolution

comme par droit naturel, divin, & humain chacun peut employer ses forces & celles de ses alliez pour sa juste desense contre l'inique & injuste aggresseur & offenseur, aussi l'Eglise, ou le Pape (car c'est tout un) peut employer ses forces, & celles de l'Eglise, & celles des Princes Chrestiens ses enfans spirituels, pour-la juste desense & conservation des droits de

l'Eglise, contre tous ceux qui les voudroient violer & détruire. Et dautant que les Chrestiens, Princes, & autres ne sont pas alliez au Pape & à l'Eglise d'une simple alliance, mais d'une alliance la plus puissante en obligation, la plus excellente en dignité qui puisse estre, comme le Pape & les autres Prelats de l'Eglise sout obligez de donner leur vie & subir la mort, pour donner la nourriture & pasture spirituelle aux Roys & Royaumes Chrestiens: aussi les Roys & les Royaumes sont tenus & redevables reciproquement de maintenir, au peril de leurs vies & Estats, le Pape & l'Eglise, leur Pasteur & Pere spirituel. Grande, mais reciproque obligation entre le Pape & les Roys. Obligation invariable, obligation qui s'étend jusques à la mort inclusivement, & obligation naturelle, divine & humaine, par laquelle le Pape & l'Eglise doi-

ho. 21

AI

vent leurs forces spirituelles aux Roys & aux Royaumes, & les Roys leurs forces temporelles au Pape & à l'Eglise. Le Pape & l'Eglise sont aux Roys pour les nourrir, conserver, & defendre envers tous & contre tous spirituellement. Les Roys & les Royaumes sont à l'Eglise & au Pape, pour les nourrir, conserver, & defendre envers tous & contre tous temporellement. Car les peres sont aux enfans, & les enfans aux peres. Les Roys & tous les Princes souverains ont pourtant une Souveraineté temporelle, en laquelle le Pape ny l'Eglise ne pretendent rien, ny ne leur en demandent aucune sorte de reconnoissance temporelle. En sorte que, pour abbreger, le Pape est tres-souverain Pasteur & Pere spirituel: le Roy est tres-souverain Prince & Seigneur temporel. L'Authorité de l'un n'est point contraire à l'autre; ains elles s'entreportent l'une l'autre. Car le Pape & l'Eglise excommunient & tiennent pour Heretiques ceux qui nient l'Authorité souveraine des Roys & Princes: & les Roys frapent de leur espée ceux qui nient l'Authorité du Pape & de l'Eglise, ou s'ils ne les frapent pas, c'est en attendant qu'ils s'amendent & humilient. Demeurez.la: Soyez humble Fille spirituelle de l'Eglise & du Pape. Soyez humble sujete & servante du Roy. Priez pour I un & prui l'autre, & croyez rermement qu'ainir faisant, vous aurez Dieu pour Pere & pour Roy.

FRANÇOIS, E. de Geneve.